

ახალი თაობა

akhalitaoba.ge



გვ. 5

ზაქრო ვარლიაშვილმა
მკინარა
სოლი მოკლა

პროკურატურა
„მთავარისა“ და „ფორმულას“
მიერ გავრცელებულ
ინფორმაციას
დაინფორმაციას უწოდებს



გვ. 5

სამშაბათი, 12 ივლისი, 2022

№135 (8913)

ფასი: 80 თეთრი

„შალვა პაპუაშვილი „ქართულ ოცნებას“ უნდა გააშვილებს!”



გვ. 2

გიორგი ვაშაძე:
„ივანიშვილი
უკვე ნახევრად
სანქცირებულია,
ცოტაც და მთლიანად
დასანქცირდება“



„ხელისუფლებას რუსეთის უშიშროება, დასავლეთის — არა“



გვ. 3

ვახტანგ ძაბირაძე:
„თუ დეკემბრამდე
უკრაინაში პუტინი
დამარცხდება, მაშინ
„ქართული ოცნება“,
მერნმუნეთ, 12-ვე
პუნქტს შეასრულებს“

„ქართულ ოცნებას“ კანდიდატობის მიღება არ უნდა“



გვ. 3

პაატა ზაქარეიშვილი:
„ივანიშვილის სანქცირების
რეალობას ვერ ვხედავ“
„ოცნებას“ აბსოლუტურად
არაფრის გაკეთება არ უნდა
და სდილობს, ყველაფერი
ოპოზიციას დააბრალოს“

მარკეტა ბრეგორიკოვა:
„მოდლოვამ კანდიდატის
სტატუსი მიიღო, რადგან
მას პროევროპული
ხელისუფლება ჰყავს“



გვ. 4



გვ. 4

ნინო ნილოსანი:
„არაულობისა თუ
დესტრუქციის ფორმატი
ნამდვილად ვერ იქნება
დასავლურ გზაზე
ნარმატების მომზადება“

ბექა დავითულიანი:
„ოპოზიციას ხელისუფლების
არჩევნების გარეშე შეხვედრის
შანსი არ მიეცემა“




გვ. 2



გვ. 2

ზორაბ ჯუკოვსკი:
„ვიზიარებ
იმ დიდ სიხარულს,
რომელიც მოგვანიჭებს
ჩვენს სახელმწიფოს
მორაგბეობა“

ოკუპირებული
აფხაზეთის უკრაინ
ქონებას რუსეთი
ეკატრონება



გვ. 4



2 პაატა მანჯგალაძე:
„ბიძინა ივანიშვილი
თავის გადასარჩენად
დასავლეთს
ევაჭრება“

3 ირაკლი ღარიბაშვილმა
თბილისის ჯუმა
მეჩეთში მუსლიმებს
ყურბან-ბაირამის
დღესასწაული მიულოცა

6 ლიზ ტრასი
გაერთიანებული
საქართველოს
პრეზიდენტობისთვის
იბრძოლებს

6 კოლინგელებისგან
გაქცევის მსდლოვამ
დაგეგმავს
უპარკლოდ დატოვა



„ქართულ ოცნებას“ კანდიდატობის მიღება არ უნდა“

პაატა ზაქარეიშვილი: „ივანიშვილის სანქციების რეალობას ვერ ვხედავ“

ნონა ცაბაძე

„ახალი თაობის“ კითხვებს ექსპერტი—
კონფლიქტოლოგი, ყოფილი სახელმწიფო
მინისტრი პაატა ზაქარეიშვილი პასუხობს.

— ბატონო პაატა, ხელისუფლებამ 12-პუნ-
ქტიანი გეგმის შესასრულებლად საპარლამენტო
მუშაობა დაიწყო. რამდენად სწორად იქცევა
ოპოზიცია, როდესაც ამ პროცესში არ მონა-
ნაწილეობს?

— ოპოზიცია მონაწილეობს თუ არ მონა-
წილეობს, მთელი პასუხისმგებლობა მაინც „ქარ-
თულ ოცნებაზე“აა. ეს სახელმწიფოს ვალდებულე-
ბაა და ოპოზიციის როლი არ უნდა იყოს გადა-
წყვეტი. რა თქმა უნდა, კარგია, თუ ეს იქნება
კონსენსუსის შედეგი.

— ვერობარლამენტარების მხრიდანაც ვის-
მენტ მონაწილეობს, რომ ყველაფრის მიუხედა-
ვად, ოპოზიცია უნდა ჩაერთოს ამ პროცესში.

— კი ბატონო, ვისაც სურვილი აქვს, ჩაერ-
თოს, მაგრამ, ვინც არ ერთება, მაგათ გამო
პროცესი არ უნდა შეფერხდეს. ახლა მაგათი
დრო არ არის. მიუხედავად იმისა, რომ მეც
მიმაჩნია, უნდა ჩაერთონ, ეს მაინც არ არის
გადამწყვეტი. გადაწყვეტი, „ქართული ოცნე-
ბა“ ამაზე სპეკულირებს თუ არა. ჩემი მთავარი
პრობლემა არასდროს არ არის ოპოზიცია და
მასზე ლაპარაკი. მთავარია მართველი ძალა და
რას აკეთებს ის.

— და რას აკეთებს დღეს ხელისუფლება?
გვესმის შეფასებები, რომ „ქართული ოცნება“
დასავლეთს ულტიმატუმს ენით ესაუბრება.

— კი ბატონო, ასეა. „ქართულ ოცნებას“
ახლოვდება არაფრის გაკეთება არ უნდა და
ცდილობს, ყველაფერი ოპოზიციას დააბრალოს.
ამიტომ ოპოზიციას ჭკუა უნდა ეყოს და არ უნდა
მისცეს „ქართულ ოცნებას“ საშუალება, ჩააგ-
დოს კანდიდატის სტატუსის მიღების გარანტი-
ები მხოლოდ იმიტომ, რომ ოპოზიციას დააბრა-
ლოს ყველაფერი. „ქართულ ოცნებას“ არ უნდა
კანდიდატობის მიღება. ის ულტიმატუმს უყე-
ნებს ევროპას.

— რას ნიშნავდა კობახიძის განცხადება,
თუ მოგვეცემთ კანდიდატის სტატუსს, იმ შემ-

თხვევაში დავენეთ ბარიერს 2%-მდეო?

— ეს არის აბსოლუტურად უგუნური და
მავნებელი განცხადება! ძალიან სახიფათო გან-
ცხადებაა. რატომ? იმიტომ, რომ 2%-ზე საუბა-
რი იყო მანამდე, სანამ ომი დაიწყებოდა უკრა-
ინაში. არაფერი საერთო არ ჰქონდა 2%-ს ევრო-
კავშირში განწვერიანება-არგანწვერიანებასთან. ამ
დროს იწყება ომი, ჩნდება უნიკალური შანსი,
შევიტანოთ განაცხადი სტატუსის მიღებაზე და
ამ ფონზე უცებ ესეიგი უყენებენ ულტიმატუმს
ევროკავშირს. რა შუაშია აქ ევროკავშირი? აბ-
სოლუტურად შიდა მოხმარების საკითხია ბარი-
ერის თემა. ეს არის აშკარა მცდელობა, რომ
შემდგომ გაამართლონ, რატომ არ მოგვეცემენ
ჩვენ კანდიდატის სტატუსს. „ქართული ოცნება“
ყველაფერს აკეთებს იმისათვის, რომ არ გავენე-
რიანდეთ. აი, ეს ულტიმატუმიც არის ამის ნაწი-
ლი.

— ბატონო პაატა, ასეთი შეფასებებიც
მოვისმინეთ, ივანიშვილს სხვა გზა არ დარჩე-
ნია და მიდის ვაბანკზე, მისი სანქციონება
საკმაოდ რეალურიაო.

— მე ვერ ვხედავ მისი სანქციონების
რეალობას. ივანიშვილი ახლა გადაყვანილია
იმ რეჟიმში, რა დროსაც მიმდინარეობს შესწავ-
ლა, რამდენად შესაძლებელია მისი სანქციონება,
თუმცა ეს არ ნიშნავს იმას, რომ აუცილებლად
დაასანქციონებენ. საფუძველი ძალიან ცოტაა, სე-
რიოზული მტკიცებულებებია საჭირო. თუ და-
სანქციონებენ, სანქცია უნდა იყოს იმ ადამიანების
წინააღმდეგ, რომლებიც ხელს უწყობენ რუსე-
თის აგრესიას უკრაინაში. ძალიან მწელი დასამ-
ტკიცებელი იქნება, რომ ივანიშვილი ხელს უწ-
ყობს რუსულ აგრესიას უკრაინაში.

— საფინანსო პრობლემები ხომ შეექმნა
შვეიცარიაში?

— შეექმნა იმიტომ, რომ შვეიცარიის ბანკი
არის კერძო ბანკი. მან ჯარიმა უნდა გადაუხა-
დოს ივანიშვილს. ის ფიქრობს, რატომ გადაუხა-
დო, როცა ივანიშვილის არის სანქციონების კან-
დიდატი? შვეიცარიის ბანკმა კარგად და ეფექ-
ტურად გამოიყენა ეს მომენტი. დღეს ივანიშვილი
გადაყვანილია შუალედურ, არაკომფორტულ
მდგომარეობაში. მას სწავლობენ. შვეიცარიულმა
ბანკმა კი თქვა, რადგან სწავლობთ, მაშინ მეც



„ოცნებას“ აბსოლუტურად არაფრის
გაკეთება არ უნდა და ცდილობს,
ყველაფერი ოპოზიციას დააბრალოს“

მოვიციდი, თუკი სანქციები ეკუთვნის ამ კაცს,
რატომ უნდა გადავუხადო ფულიო? დაიცდის,
თუ დაასანქციონებენ, არაფერსაც არ გადაუხდის,
თუ გადაარჩა სანქციონებას ივანიშვილი, ამის მე-
რე მიიღებენ გადაწყვეტილებას, როგორ მოიქცნენ.
აი, ეს სიტუაციაა. ივანიშვილისთვის ჯერ საბო-
ლო გადაწყვეტილება არ გამოუტანიათ, რომ
იტყვიან, ის ექვემდებარება. ჯერჯერობით არ
ჩანს მყარი მტკიცებულებები მის წინააღმდეგ.

— როგორ ფიქრობთ, არის ხელისუფლება
ამ 12 პუნქტის შემსრულებელი? ოპოზიციაც
ყალბ მოლოდინებს ქმნისო. აქციებიც ისე დას-
რულდა, რომ რეალური შედეგი არ დაიდო.

— დღეს ქვეყნის მთავარი პრობლემა „ქარ-
თული ოცნებაა“, რომელიც ოპოზიციის ამ უუნა-
რობას თავის სასარგებლოდ იყენებს. ოპოზიცი-
აც ძალიან ცუდად იქცევა, ყოველ ჯერზე ხელი-
სუფლებას აძლევს საშუალებას, ის თავის სასარ-
გებლოდ გამოიყენოს. ხელისუფლება ყველაფერს
გაკეთებს და ამ 12 პუნქტს არ შეასრულებს.
რაში სჭირდებათ დემოკრატია? ასე არ ჯობია?!

მიზეზებს ეძებენ, ულტიმატუმებს, პირობებს აყე-
ნებენ და შემდეგ მუდმივად ლაპარაკობენ, რომ
ოპოზიციის ბრალია. ოპოზიციის ბრალი ვერაფე-
რი ვერ იქნება. ოპოზიციამ თუ შეიძლება რამე
დაანგრის, მხოლოდ თავისი თავი და მეტი
არაფერი.

— მაშინ, რა იქნება, ვკარგავთ სტატუსის
მიღების შანსს?

— არაფერი არ იქნება. იქნება აფრიკა!
რატომ გვინდა იმაზე მეტი, ვიდრე ვსტატუსით?
რატომ ვცდილობთ, გადავხატოთ იმას, რასაც
ვერ გადავხატებთ? არ უნდა ქართველ ხალხს ეს
დემოკრატია და ძალა?! სანამ მთლიანად ახალი
თაობა არ ჩაანაცვლებს ძველს, მანამ არაფერი
გვეშველება. ვინც ქუჩაში გამოდის, 100 თუ 150
ათასი კაცი, კი ბატონო, გაუმარჯოს მათ, მაგრამ
500 ათასი ტახტზეა წამოწოლილი და დაეცემა!

აი, ესაა პრობლემა. მე რომ დღეს ოპოზი-
ცია ვაკრიტიკო, ამით „ოცნებას“ გავაძ-
ლიერებ. ამიტომ არ მინდა, ჩავჯდო „ქარ-
თული ოცნების“ ნარატივში. ოპოზიციის
ბევრი შეცდომა აქვს, ესეც უნდა ითქვას,
თუნდაც ადგილობრივი არჩევნები რომ
რეფერენდუმად გამოაცხადო და ხალხი
დააბნია. დღემდე არ უღიარებიათ, რომ ეს შეც-
დომა იყო! აი, გამოვიდა ვაჟაკურად „სირცხვი-
ლია“ და ბოდიში მოიხდა, არასწორად წარვმარ-
თეთ სტრატეგიაო. შეცდომები იყო, თუმცა გან-
საკუთრებულ — არაფერი. ახალგაზრდები არიან
და მათაც მოსდით შეცდომები. ეს ტრაგედია არ
არის. ოპოზიციას კი ერთი ბოდიში არ მოუხდია.
გეთანხმებით, ოპოზიცია საზიზღრად იქცევა, მაგ-
რამ მილიონჯერ საზიზღრად იქცევა „ქართული
ოცნება“!

— „სირცხვილია“ ასხენთ და სერიოზული
შეცდომები დაუშვეს?

— დაუშვეს და ბოდიშაც მოიხადეს. ბოდი-
შის მოხდა კი ღირსეული საქციელია. მანამდე
მათ არ ვენდობოდი, ბოდიშის მოხდის შემდეგ კი
მათ მიმართ ნდობა გამიჩნდა. დროა, ეს ახალ-
გაზრდებიც ამ 12 პუნქტზე გადაერთონ, მისი
საჯარო განხილვები მოითხოვონ, გაამართონ მი-
ტინგები და ამით მოახდინონ ზენოლა ხელისუფ-
ლებაზე. გადადექი-გადმოდექი კი არა, ყველა
ამ 12 პუნქტზე უნდა იმუშაოს.

„ხელისუფლებას რუსეთის ეშინია, დასავლეთის — არა“

ნათია ხურცილავა

პოლიტოლოგი ვახტანგ ძაბირაძე „ახალ
თაობასთან“ ინტერვიუში ქვეყანაში
მიმდინარე პოლიტიკურ პროცესებზე
საუბრობს.

— ბატონო ვახტანგ, როგორ ფიქრობთ, 12
პუნქტთან დაკავშირებით რა რეალურ დათმო-
ბაზეა წამსვლელი ხელისუფლება?

— ალბათ რაღაცებზე წავა, მაგრამ, რამ-
დენად წავა ისეთ პუნქტებზე, რომლებსაც „ქარ-
თული ოცნებისთვის“ გადაწყვეტი მნიშვნელო-
ბა აქვს, ვერ გეტყვი. არის მათთვის მტკიცენე-
ლი საკითხები, რომლებზეც ლაპარაკიც კი არ
უნდათ. ალბათ აქვე განვიხილოთ თავიანთი სა-
მოქმედო გეგმა, რომლის იქით ვერ გადავლენ.
ჯერ არ მოახდენენ იმის აფიშირებას, თუ რას
დათმობენ და რას — არა.

ხელისუფლებას ჯერ თავისთვის დრო აქვს,
რადაც კონდიციამდე მიყვანენ კანონპროექ-
ტებს და მერე ჩააგდებენ. ეს არ გაუჭირდებათ.
„ქართული ოცნება“ დროის გაყვანას შეეცდება
და უკრაინაში მიმდინარე ომის შედეგებიდან
გამომდინარე იმოქმედებს.

— უკრაინის ომის შედეგებზეა მიბმული
„ქართული ოცნება“ თუ რა პოლიტიკას გააბრა-
რებს, შეასრულებს ევროკავშირის 12-პუნქტიან
გეგმას?

— რა თქმა უნდა, პირდაპირ ამაზეა მიბმუ-
ლი. თუ დეკემბრამდე უკრაინაში პუტინი დამარ-
ცხდება, მაშინ „ქართული ოცნება“, მერნმუნეთ,
12-ვე პუნქტს შეასრულებს. თუ პირიქით მოხდე-
ბა, მაშინ პროცესები კიდევ უფრო მძაფრ სახეს
მიიღებს. ხელისუფლების რუსეთის ეშინია, და-
სავლეთის — არა. ეს ცალსახაა. ამით არ ვამბობ,
რომ „ქართული ოცნება“ პრორუსია. შიშზე ვსა-
უბრობ. ამიტომ საქართველოში შიდა პოლიტი-

ვახტანგ ძაბირაძე: „თუ დეკემბრამდე უკრაინაში პუტინი დამარცხდება, მაშინ „ქართული ოცნება“, მერნმუნეთ, 12-ვე პუნქტს შეასრულებს“



კური პროცესების განვითარება პირდაპირ უკ-
რაინის ომის ბედთან არის მიბმული.

— თქვენ თქვით, რუსეთის ეშინიაო, მაგრამ
ივანიშვილს სანქციების არ ეშინია?

— როგორ ფიქრობთ, სანქციები ურჩევნია
თუ სიცოცხლე, რომ გადარჩეს? არ გამოირიცხ-
ება, რუსეთიდან პერსონალური ზენოლაც კი
იყოს ივანიშვილზე. რუსული სპეცსამსახურები
როგორ მუშაობენ, ახალი ამბავი ხომ არ არის.
რა ხდება „გაზპრომის“ წარმომადგენლებთან
დაკავშირებით, ხომ ვხედავთ, როგორ მონაშლეს
უკრაინის ყოფილი პრეზიდენტი იუშჩენკო, ბე-
რუსოვსკი, რომელი ერთი ჩამოვთვალა. ალბათ
განსებულ მიზეზების გამო დატოვა 90-იანებში
ივანიშვილმა ის სამყარო, როგორც კი ხიფათი
იგრძნო, იქაურობას გაეცალა. შეუძლებელია,
რუსული ჩექმის ქვეშ ცხოვრება გინდოდეს. ეს

ხომ არ არის რთული მისახვედრი. რუსეთის
სპეცსამსახურებს არ გაუჭირდებათ გზავნი-
ლების ივანიშვილამდე მიტანა. რასაკვირველია,
მე თეორიულად ვსაუბრობ, როგორც ერთ-ერთ
ვარიანტს, ისე განვიხილო. არის მეორე ვარიან-
ტიც, რომლის დაშვებაც ასევე შეიძლება, რომ 40
კილომეტრში მართლაც დგანან ტანკები და არა-
ფერია გამოირიცხული პუტინის მხრიდან.

— ოპოზიცია რამდენად არის პროცესების
ადეკვატური? 170 ათასამდე ქუჩაში გამოსული
პროტესტანტი ადამიანის ძალა რამდენად გამო-
იყენა?

— ქუჩაში გამოსული ეს ხალხი კვლავ ოპო-
ზიციურად არის განწყობილი, მაგრამ ოპოზიცია
ვერ აკმაყოფილებს მათ მოთხოვნებს, იმ სტან-
დარტს, რომელსაც ეს ხალხი უყენებს მას, რო-
გორც ალტერნატივას.

ოპოზიციას მოქმედების გეგმა არ აქვს,
თითქოს სერიოზულად არ ეკიდებიან იმას, რაც
ქვეყანაში ხდება, როგორც ამ ისტორიულ შესაძ-
ლებლობასა თუ საერთოდ მოვლენებს. ოპოზი-
ცია არასწორ მოლოდინებს ქმნის, რასაც შემ-
დეგ კატასტროფულ შედეგამდე მიყვავარო —
ნიპილიზმს ვგულისხმობ.

— ოპოზიცია ამ პროცესში რა უნდა ქნას?
— ამ 12 პუნქტის შესრულების პროცესში
უნდა ჩაერთოს. გასაგებია, რომ აზრი არა აქვს,
რომ ხელისუფლებას ნდობა აქვს დაკარგული,

ირაკლი ლარიგაშვილი თბილისის ჯუმა მეჩეთში მუსლიმებს უკრძან-გაიკრძალა მუსლიმური მიუღობა

„დიდი პატივისცემით მინდა მოგილოცოთ ყურბან-ბაირამის დღესასწაული. ჩვენს ქვეყანაში
მცხოვრებ თითოეულ მუსლიმს, ჩვენს თანამოქალაქს, გულითადად გილოცავთ დღევანდელ დღეს“.
— ამის შესახებ საქართველოს პრემიერ-მინისტრმა ირაკლი ლარიგაშვილმა თბილისის ჯუმა მეჩეთში
განაცხადა.

მთავრობის მეთაურმა აღნიშნა, რომ ყურბან-ბაირამი ეს არის სიკეთის დღე, სიკეთის გამარ-
ჯების დღე, ახალი სიცოცხლის, იმედის მომცემი დღე.

— მინდა განსაკუთრებით მივულოცო დღევანდელი დღე სულიერ ლიდერებს, თითოეულ მუსლიმს,
ჩვენს უცხოელ მეგობრებს, საელჩოების წარმომადგენლებს. ყურბან-ბაირამი ეს არის სიკეთის დღე,
სიკეთის გამარჯვების დღე, ახალი სიცოცხლის, იმედის მომცემი დღე, სწორედ ამასთან ასოცირდება და
ეს არის სიმბოლო გამარჯვების, სიკეთის და სიყვარულის. დღეს ჩემი აქ მოსვლით კიდევ ერთხელ მინდა
დაგიდასტუროთ ჩემი ღრმა პატივისცემა თითოეულ თქვენგანს, თითოეულ მუსლიმს ჩვენი ქვეყნისა.

მინდა ვთქვა შემდეგი, ქართველები ვართ მართლაც გამორჩეული იმ ნიშნითაც, რომ ჩვენ ვართ
სამაგალითო ტოლერანტული საზოგადოება. ჩვენს ქვეყანაში და ამ ქალაქში სხვადასხვა რელიგიის
წარმომადგენლები ცხოვრობდნენ საუკუნეების განმავლობაში და არცერთხელ არ ყოფილა რაიმე
უწყაყოფილება და არ შექმნილა რაიმე უსიამოვნო პრეცედენტი. ჩვენ ვართ ტოლერანტული
საზოგადოება. ჩვენ პატივს ვცემთ სხვის სარწმუნოებას, სხვის რელიგიას. ეს არის ჩვენი ვალდებულება,
რომ თანაბრად მოვექცეთ, თანაბრად პატივი ვცეთ სხვის რწმუნებას, სარწმუნოებას, რელიგიას. ასე
მესმის მე ქრისტიანობა, ასე გვესმის ჩვენ ყველას ქართველობა, — განაცხადა ირაკლი ლარიგაშვილმა.

მთავრობის მეთაურთან ერთად თბილისის ჯუმა მეჩეთში ასევე იმყოფებოდნენ დიპლომატიუ-
რი კორპუსის წარმომადგენლები.

თიანეთის საკრებულოს თავმჯდომარის მოადგილე თანამდებობა და „ქართული ოცნება“ დატოვა

— ვტოვებ ფრაქცია „ქართული ოცნების“ თავმჯდომარის მოადგილეობას თერჯოლის საკრე-
ბულოში და პარტიას, — ამის შესახებ სოციალურ ქსელში ომარ ჯიხიაშვილი წერს.

— ზოგჯერ თქმა სჯობს არათქმასა, ზოგჯერ თქმითაც დაშავდებით — ყველას გვახსოვს, ხომ?
ჰოდა, მეც გგონია, რომ ახლა თქმა სჯობს! როდესაც კითხვები არის, ამ კითხვებს პასუხები სჭირდება.
ვერ ვიჯერებ, რომ ჩვენს ახლო მეგობრებსა და პარტნიორებს ოკეანის იქით მოსწონდეთ მათი
წარმომადგენლის მოქმედება საქართველოში, როდესაც ის, იმის მაგივრად, რომ კითხვებზე პასუხობ-
დეს და ემიჯნებოდეს ომის მონაწილეებს, შეურაცხყოფას აყენებს უმრავლესობით არჩეულ პარლამენტ-
ის წევრს, რომელმაც გაბედა მისთვის წერილის მიწერა.

თუ რამდენიმე ადამიანმა უნდა იტვიროს ასეთი სიმართლის თქმა, რაც ხელისუფლების
პარტიის წარმომადგენლისგან, მესმის, რომ ძალიან მწელია, მეც მინდა, მათ რიგში ვიყო. ამიტომ
ვტოვებ ფრაქცია „ქართული ოცნების“ თავმჯდომარის მოადგილეობას თერჯოლის საკრებულოში და
პარტიას, — წერს ომარ ჯიხიაშვილი სოციალურ ქსელში.



მარკაბა ბრეგორია: „მოლდოვა კანდიდატის სტატუსი მიიღო, რადგან მას პროვოკაციული ხელისუფლება ჰყავს“

– მძულს განცხადების მოსმენა, რომ საქართველოს სტატუსზე უარი „ომთან შეერთების“ მიზეზს უკავშირდება. ჩვენ მშვენივრად ვიცით, რომ საქართველო უკვე იმყოფება ომში რუსეთთან, ვიცით, რომ საქართველო ოკუპირებულია. ჩვენ არ გვსურს, რომ ომს შეუერთდეთ, ჩვენ გვსურს, რომ თქვენ ევროკავშირს შეუერთდეთ. ამის შესახებ ევროპარლამენტარმა მარკაბა ბრეგორიამ „ინტერპრესნიუსისთვის“ მიცემულ ექსკლუზიურ ინტერვიუში საქართველოსთვის კანდიდატის სტატუსის მინიჭებაზე უარის თქმის მიზეზების განმარტებისას განაცხადა.

მისი თქმით, აბსოლუტურად ცხადია, რატომ არ მისცა ევროკავშირმა საქართველოს კანდიდატის – ეს მოხდა იმის გამო, რომ იყო ბევრი დაძაბულობა საქართველოსა და ევროკავშირს შორის. გრეგორიას თქმით, ევროკავშირ-საქართველოს ურთიერთობა პარტნიორობა უნდა იყოს და არა ორგანიზაციის გამოყენება, როდესაც ეს ხელსაყრელია საქართველოს ხელისუფლებისთვის.

– ვნახავთ, რომ ეს სიტყვები მესმის (განცხადება, რომ საქართველო კანდიდატის სტატუსს ვერ მიიღო, რადგან ქვეყანაში ომის მეორე



ფრონტი არ გახსნა). ეს მამწხურებს, რადგან აბსოლუტურად არ შეესაბამება სიმართლეს. აბსოლუტურად ცხადია, რატომ არ მიეცა კანდიდატის სტატუსი საქართველოს და ეს დანერგა. ეს მოხდა იმის გამო, რომ იყო ბევრი დაძაბულობა საქართველოსა და ევროკავშირს შორის. ჩვენ ვერ დავინახეთ ვერანაირი პროგრესი, იყო უფრო მეტად რეგრესი, სწორედ ამიტომ მივიღეთ რეზოლუცია მედიამდგომარეობასთან

დაკავშირებით. უფროსი სტეპები შევდებთან, მათ არ შეუძლიათ დამოუკიდებლად მუშაობა და ა.შ. და ეს მხოლოდ აისებრების წვერი, რადგან შემდეგ არის სასამართლო სისტემის რეფორმა, ოლიგარქების პრობლემა.

მაგალითად, მოლდოვა რომ ავიღოთ – იმიტომ არა, რომ ის ომის სამიზნეა. მხოლოდ ეკონომიკა რომ ყოფილიყო, ჩვენ არ უნდა მიგვეცა მისთვის კანდიდატობის სტატუსი, რადგან სინამდვილეში ეს მეტ პასუხისმგებლობასთან არის დაკავშირებული, ჩვენ შეგვეძლო, მათ უბრალოდ ფინანსური სახსრებით, ეკონომიკურად დაეხმარებოდით, თუმცა მოლდოვამ მიიღო კანდიდატის სტატუსი, რადგან მას ჰყავს ძალიან პროვოკაციული პრეზიდენტი, პროვოკაციული ხელისუფლება და პროვოკაციული პარლამენტი და ეს ჩვენ ვერ დავინახეთ საქართველოში. იყო დოკუმენტი იმასთან დაკავშირებით, რომ საქართველოს 2024 წლისთვის ევროკავშირის წევრობაზე განაცხადის შეტანა სურდა, თუმცა არ იყო არანაირი ნაბიჯი და ჩვენ მხოლოდ ვისმინდით, რომ ევროპარლამენტარები იტყუებოდნენ. აბსოლუტურად უცნაურია იმის განცხადება, რომ ჩვენ მხოლოდ გავ-

ცემთ, მხოლოდ გავცემთ და ვერასდროს ვიღებთ რაიმეს სანაცვლოდ. ევროკავშირი საქართველოს ურთიერთობა პარტნიორობაა და არა ჩვენი გამოყენება, როდესაც ეს მოსახერხებელია საქართველოს ხელისუფლებისთვის.

სწორედ ამიტომ არ მოხდა საქართველოსთვის კანდიდატი სტატუსის მინიჭება, მაგრამ შემდგომი რეფორმების პირობებით და არა ომთან შეერთების პირობით...

ჩვენ მშვენივრად ვიცით, რომ საქართველო უკვე იმყოფება ომში რუსეთთან, ჩვენ ვიცით, რომ საქართველო ოკუპირებულია და ამას ყოველ ჯერზე ვგმობთ ყველა რეზოლუციაში. ასე რომ, მე მძულს ამ განცხადების მოსმენა, ნამდვილად მამწხურებს, რომ საქართველოში ზოგიერთი ადამიანი შეიძლება მართლა ფიქრობდეს ასე, რადგან საუბარი არ ეხება ომთან შეერთებას, ჩვენ არ გვსურს, რომ ომს შეუერთდეთ, ჩვენ გვსურს, რომ თქვენ ევროკავშირს შეუერთდეთ, მაგრამ ამისთვის არსებობს გარკვეული აუცილებელი ნაბიჯები და რეფორმები საქართველოს ხელისუფლებისთვის და არა რუსეთისთვის, – განაცხადა ბრეგორიამ.

ოკუპირებული აფხაზეთის უკრაინაში მონაწილეობის რუსეთი ევატრონება

მარიამ მჭედლიშვილი

ოკუპირებულ აფხაზეთში რუსეთის მოქალაქეებს ოფიციალურად უძრავი ქონების შესყიდვის უფლება არა აქვთ. მიუხედავად ამისა, ნელ-ნელა აფხაზეთის მთელ რიგ ობიექტებს რუსები ევატრონებენ. მოსახლეობა ამას აპროტესტებს.

პარლამენტი იანვარში რუსეთთან ხელმოწერილი შეთანხმების რატიფიკაციისთვის ემზადება

აფხაზეთის პარლამენტის საერთაშორისო და საპარლამენტარო კავშირების კომიტეტის გაფართოებულ სხდომაზე, რომელსაც ლამის მთელი მთავრობა და პარლამენტი ესწრებოდა, მხარი დაუჭირეს შეთანხმების რატიფიკაციას რუსეთსა და აფხაზეთის რესპუბლიკას შორის რუსეთის ფედერაციის საკუთრებაში აფხაზეთის მიეღობის რიგი ობიექტების გადაცემის შესახებ. პარლამენტს რეკომენდაცია მიეცა, მოახდინოს მისი რატიფიკაცია.

შეთანხმებას ხელი მოეწერა მიმდინარე წლის 19 იანვარს. ის ითვალისწინებს რუსეთისათვის „ქონებრივი კომპლექსების“ უსასყიდლოდ გადაცემას, აგრეთვე საზღვაო აკვატორიის მიმდებარე მიწის ნაკვეთების იჯარით დათმობას.

კომიტეტმა აგრეთვე იმსჯელა 1995 წელს ხელმოწერილ შეთანხმებაზე. მასში ნათქვამია, რომ რუსეთის ფედერაციის დატვის მთავარ სამმართველოს ეძლევა უფლება, უსასყიდლოდ ისარგებლოს ბიჭვინთაში განლაგებული მე-8, მე-9 და

აფხაზეთის პარლამენტი შესაბამისი შეთანხმების რატიფიკაციას აპირებს

მე-10 აგარაკებით არსებულ საზღვრებში და სხვა უძრავი ქონებით.

დიდი ალბათობით, აფხაზეთის საკანონმდებლო ორგანო რუსეთისთვის საჭირო შეთანხმების რატიფიკაციას არ დააყოვნებს.

მანამდე დე ფაქტო პრეზიდენტი ასლან ბუაჩია პარლამენტის თავმჯდომარე ლაშა აშუბასთან ერთად 15 ივლისამდე სამუშაო ვიზიტით თათარსტანსა და ბაშკირსტანს მოივლის. ამ რესპუბლიკებში ეკონომიკური კავშირების განვითარებაზე მსჯელობენ.

კომიტეტის გაფართოებულ სხდომაზე მოხდა მოსახლეობის შეშფოთების შესახებ. როგორც ჩანს, მოსახლეობის პროტესტს აფხაზეთის მინა-წყლისა და უძრავი ქონების გასხვისებაზე ამ შემთხვევაშიც დაუწყებენ.

ცოტა ხნის წინ მოსახლეობა წინ აღუდგა ხეების გაჩეხას დაბა აგუძერას ცნობილ პარკში. პარკი ოფიციალურად ეკუთვნის გულრიფშის ფიზიკა-ტექნიკურ ინსტიტუტს. ადგილობრივი ადმინისტრაცია ირწმუნება, რომ ეს კერძო საკუთრებაა.

ბიჭვინთაში შარშან რუსეთის ყოფილმა მალაჩინოსანმა, ამჟამად მდიდარმა ბიზნესმენმა ალექსანდრ ტკაჩოვმა წამოიწყო სასტუმრო-საპარტამენტო კომპლექსის მშენებლობა. საჯარო გამოხველაში მან ახსენა მიწის შესყიდვა. საუბარია 45 ჰექტარზე. ხალხი ამის გამო აზვირთდა. აფხაზეთის მთავრობა დიდხანს არწმუნებდა მოსახლეობას, რომ მინა არ გაყიდულა, რომ შესა-

ბამისი ტერიტორია ინვესტორს ხანგრძლივი სარგებლობის უფლებით გადაეცა.

ეტყობა, ბიჭვინთა, რომელიც ცნობილია ბაგრატი მეფის დროს აგებული საპატრიარქო ტაძრით, უნიკალური ტიპით, ასევე საბჭოთა ლიდერების (მათ შორის, სტალინის) აგარაკებითა და სხვა ღირსშესანიშნაობებით, რუსების განსაკუთრებულ ინტერესს იწვევს.

აფხაზეთის დე ფაქტო ხელისუფლება, რომელიც თითქოსდა აფხაზეთის „დამოუკიდებლობის“ დამცველია, აფხაზეთს ნაწილ-ნაწილ აბარებს რუსეთის ფედერაციას. პრინციპულობას აფხაზეთში სხვა ქვეყნების მოღვაწეების მიმართ იჩენს.

რატომ გადაემტერნენ აფხაზეთში ყაზახეთის პრეზიდენტს

აფხაზეთის კომპანია „ბ-ტაქსიმ“ დიდ პოლიტიკური თავისი სიტყვა თქვა. ამ ფორმამ, არც მეტი, არც ნაკლები, შეზღუდვები დაუწესა აშშ-ის პრეზიდენტ ჯო ბაიდენსა და ყაზახეთის პრეზიდენტ კასიმ-ჟომარტ ტოკაევს.

დასავლეთის მიმართ მტრული განწყობა აფხაზეთში (ყოველ შემთხვევაში, საჯარო განცხადებებში) დიდი ხანია არსებობს. სიხალეა აფხაზეთის მონინალმდებელე ყაზახეთის დასახელება.

კომპანიის დირექტორი ბასარია ამას იმით ხსნის, რომ ტოკაევი არ აღიარებს აფხაზეთის დამოუკიდებლობას. ამავე საბაბითა და ლოგი-



კით, სოხუმი ბელარუსის ლიდერ ლუკაშენკოსაც უნდა აუშხედრდეს, თუმცა მას აფხაზეთში ემადლიერებიან და დაუსწრებლად აჯილდოებენ კიდევ.

ყაზახეთი რუსეთის გავლენიდან თავის დაღწევას ცდილობს, აფხაზი „პატრიოტები“ კი, როგორც ჩანს, ამას ვერ ეგუებიან.

აფხაზეთი კომპანიის დირექტორი ბასარია თავის ნაბიჯს ასე ხსნის:

– დიპლომატია გულისხმობს პოლიტიკურ რექტულობას. ტოკაევის ის არ აღმოაჩნდა. თანამედროვე პოლიტიკა, აშშ-ისა და ევროპის მსგავსად, იყენებს სანქციებს და შავი სიების პრაქტიკას. ჩვენ მსგავსი მეთოდები გამოვიყენებთ. სანქციები მანამდე იმოქმედებს, ვიდრე ტოკაევი არ აღიარებს აფხაზეთის დამოუკიდებლობას და ბოდიშს არ მოიხდის ჩვენი მოსახლეობის წინაშე.

ნიჩო ნილოსანი: „არკულოზისა თუ ღესტრუქსიის ფორმატი ნაშედეგად ვერ იქნება დასავლურ გზაზე წარმატების მომტანი“

პარტია „ქართული ოცნების“ წევრ ნიჩო ნილოსანის განცხადებით, არკულოზისა თუ ღესტრუქსიის ფორმატი ნაშედეგად ვერ იქნება დასავლურ გზაზე წარმატების მომტანი.

მან უფროსი სტეპები საქართველოში ევროკავშირის ელჩის, კარლ ჰარცელის განცხადებები შეაფასა და იმედი გამოთქვა, რომ საქართველოსთვის კანდიდატის სტატუსის მინიჭების საკითხი წარმატებით დასრულდება.

– ევროკავშირისკენ მიმავალი გზა აუცილებლად გადის ხალხის მიერ არჩეულ მთავრობასთან კონსტრუქციულ რეჟიმში თანამშრომლობაზე, რაც გულისხმობს ოპოზიციის თუ სამოქალაქო სექტორის თანამშრომლობის პოზიტიურ როლს, აუცილებლად გადის თანდაც იმ რეკომენდაციების შესრულებაზე, რომელიც ჩვენთვის უპირატესია და რომლის შესრულების გზებიც უკვე დავსახეთ.



რომლებიც უკრაინასა და მოლდოვაში, ვგულისხმობ საომარ სიტუაციასა თუ ომის სასაშრობებს, ამ კუთხით გულდასაწყვეტი იყო გადანწყვტილება, რომ წ თვით გადავადებულიყო კანდიდატის სტატუსის მინიჭება, თუმცა, იმედი გვაქვს, როგორც აქამდე,

ჩვენი ძალისხმევა ასოცირებულ წევრობასთან, ვიზალიბერალიზაციასთან თუ თავისუფალ ვაჭრობასთან დაკავშირებით წარმატებით დასრულდა. ამ შემთხვევაშიც, ის ზომები, რომლებიც დავსახეთ და რომლებშიც, იმედი გვაქვს, ოპოზიციის აუცილებლად შემოგვიერთდება, ყოველ შემთხვევაში, მათი ყველაზე კონსტრუქციული ნაწილი მაინც, ნამდვილად წარმატებით დასრულდება, – განაცხადა ნილოსანმა.

საქართველოში ევროკავშირის ელჩ კარლ ჰარცელის განცხადებით, საქართველოს შესთავაზეს იმ კარში შესვლა, რომელიც ახლა ევროკავშირისკენ სვლისთვის ღიაა.

– ფაქტია, რომ საქართველოს შესთავაზეს იმ კარში შესვლა, რომელიც ახლა ევროკავშირისკენ სვლისთვის ღიაა. ბურთი ახლა საქართველოს მოედანზეა, მან უნდა უზრუნველყოს, რომ გასცდეს ამ კარის ზღურბლს. ეს ასევე არის ქვეყანა, რომელმაც წინასწარში მიიღწია და გააფორმა ხელშეკრულებები ასოცირებული შეთანხმების, ღრმად და ყოველმომცველი თავისუფალი ვაჭრობის ზონის, უვიზო რეჟიმის შესახებ, – აღნიშნა კარლ ჰარცელმა.

ირაკლი ღარიბაშვილი: „საქართველო ინარჩუნებს ორგანოზა ეკონომიკურ ზრდას“

– მთავრობის კეთილსინდისიერების 2022 წლის ინდექსით, საქართველო მსოფლიოში 35-ე ადგილზე გავიდა და ევროპის ქვეყნების საუკეთესო ოცეულში დანახა, – ამის შესახებ საქართველოს პრემიერ-მინისტრმა ირაკლი ღარიბაშვილმა მთავრობის სხდომაზე განაცხადა.

პრემიერ-მინისტრმა ასევე აღნიშნა, რომ ევროპის ანტიკორუფციული ცენტრის სახელმწიფო კეთილსინდისიერების ინდექსით, საქართველომ მოსტსაბჭოთა სივრცეში, ესტონეთის შემდეგ, მეორე ადგილზე დაიკავა.

– რამდენიმე ხნის წინ გამოქვეყნდა განახლებული მმართველობის კეთილსინდისიერების ინდექსები. ეს არის მსოფლიო ინდექსები, რომლებიც შემუშავებულია მსოფლიოს მონიჭებულ კვლევითი ორგანიზაციის და ვაშინგტონის, შეიძლება ითქვას, რომ პირველი ანალიტიკური ცენტრის გამოკვლევით. საქართველო, მთავრობის კეთილსინდისიერების 2022 წლის ინდექსით, მსოფლიოში 35-ე ადგილზე გავიდა და ევროპის ქვეყნების საუკეთესო ოცეულში დანახა.

მეორე, ეს არის ევროპის ანტიკორუფციული ცენტრის, სახელმწიფო კეთილსინდისიერების ინდექსი, რომლის მიხედვითაც საქართველო მსოფლიოში 32-ე ადგილზე გავიდა და მოსტსაბჭოთა სივრცეში, ესტონეთის შემდეგ, მეორე ადგილი დაიკავა. მე მინდა ჩვენს მოსახლეობას, ჩვენს ხალხს ვუთხრა, რომ ეს არის ჩვენი მთავრობის მუშაობის შედეგი. მინდა ასევე გითხრა, რომ შედარებისთვის, წელს უკვე აღნიშნული ინდექსის მიხედვით, მთავრობის კეთილსინდისიერების ინდექსით ნატოს წევრ 14 და ევროკავშირის 12 სახელმწიფოს ვუსწრებთ.

შედარებისთვის, მინდა გითხრა, რომ 2012 წელს, მაშინ, როცა მთელ მსოფლიოს ეუბნებოდნენ და ჩვენს ხალხს ეუბნებოდნენ, თითქოს ნომერ პირველი სახელმწიფო ვიყავით რეფორმებითა და შესრულების მხრივ ინდექსით, 69-ე ადგილზე ვიყავით, აი, ამ ინდექსის მიხედვით. არავითარ საუკეთესო ოცეულზე საუბარი არ იყო მაშინ. ეს უბრალოდ შედარებისთვის და ინფორმაციისთვის, კიდევ ერთხელ რომ შევასწავოთ

ჩვენს საზოგადოებას, – განაცხადა პრემიერმა.

მისი თქმით, მეორე მნიშვნელოვანი წარმატება გლობალური მშვიდობის 2022 წლის ინდექსი, რომლის მიხედვითაც, საქართველო მშვიდობიანობის ათწლიანი პროგრესით მსოფლიოში მეორე ადგილზეა.

პრემიერის თქმით, მნიშვნელოვანია ასევე, რომ ღია ბიუჯეტის ინდექსით საქართველო მსოფლიოში პირველ ადგილზე გავიდა.

– მინდა, კიდევ ერთხელ შევასწავო ყველას – განახლება მოხდა და ღია ბიუჯეტის ინდექსით საქართველო მსოფლიოში პირველ ადგილზე გავიდა, მაშინ როდესაც ჩვენი ასოცირებული ტერიტორიის წევრები ახლა იწყებენ მუშაობას საჯარო ფინანსების რეფორმაზე და ა.შ. ამის გაუმჯობესებაზე, ჩვენ მსოფლიოში პირველ ადგილზე გავიდათ. პირველ ადგილზე გავიდა საქართველო ბიუჯეტის გამჭვირვალობის მხრივ. ეს არის ჩვენი მთავრობის მუშაობის შედეგი.

ასევე, მინდა გითხრა, რომ მსოფლიო საერთაშორისო სავალუტო ფონდმა რამდენიმე

ხნის წინ გამოაქვეყნა საკუთარი წინასწარი შეფასება და პროგნოზები. აქაც 190 ქვეყანას შორის საქართველოს მთლიანი შიდა პროდუქტი ერთ სულ მოსახლეზე, ამერიკული დოლარით გამოხატული, ზრდის ტემპის მიხედვით, მსოფლიოში მე-3 ადგილზე დასახელდა ჩვენი ქვეყანა, ხოლო ევროპის კონტინენტზე პირველ ადგილზე დასახელებული საქართველოს პოზიცია. აქვე მინდა ვთქვა, რომ „ჯიდივი პერ კაპიტა“ და ე.წ. მთლიანი შიდა პროდუქტი ერთ სულ მოსახლეზე გადასგარიშებით, მომდევნო 6 წლის განმავლობაში გაორმაგდება და 2027 წლისთვის, მათი შეფასებით, დაახლოებით 9.000 დოლარს გადასცდება.

ეს ყველაფერი ჩვენი მთავრობის, მთლიანი ჩვენი გუნდის, მმართველი პარტიის ძალიან დიდი მუშაობის შედეგია, – განაცხადა ირაკლი ღარიბაშვილმა.

მთავრობის მეთაურის თქმით, იმ ფონზე, როცა ევროპაში და მთელ მსოფლიოში პროცესები ეკონომიკის რეცესიისკენ მიემართება, საქართველო ინარჩუნებს ორნიშნა ეკონომიკურ ზრდას.



ლიზ ტრასი გაერთიანებული სამეფოს პრემიერობისთვის იზრუნავს



გაერთიანებული სამეფოს საგარეო საქმეთა მინისტრი ლიზ ტრასი შეეცდება, „კონსერვატიული პარტიის“ ლიდერისა და, შესაბამისად, პრემიერ-მინისტრის პოსტზე ბორის ჯონსონის ჩანაცვლას.

დეილი ტელეგრაფთან საკუთარი გეგმების შესახებ საუბრისას ლიზ ტრასმა განაცხადა, რომ პრემიერმინისტრობის შემთხვევაში გადასახადებს პირველივე დღიდან შეამცირებს. მისივე თქმით, ასევე მიიღებს სასწრაფო ზომებს, რათა დაეხმაროს ადამიანებს ცხოვრების ხარვეზთან გამკლავებაში.

შეგახსენებთ, გაერთიანებული სამეფოს პრემიერ-მინისტრმა ბორის ჯონსონმა გადადგომის შესახებ განცხადება გასულ კვირას გააკეთა. „კონსერვატიული პარტიის“ ლიდერობის კანდიდატა სიაში უკვე რამდენიმე ადამიანია, მათ შორის გენერალური პროკურორი სუელა ბრავერმანი, ჯანდაცვის ყოფილი მინისტრი საჯიდ ჯავიდი, ვაჭრობის მინისტრი პენი მორდონტი, ტრანსპორტის მინისტრი გრანტი შაპსი, ფინანსთა ყოფილი მინისტრი რიში სუნაკი.

შრი-ლანკის პრეზიდენტი გადადგომას აღსთავს



შრი-ლანკის პრეზიდენტიმა გოტაბაია რაჯაპაქსამ გადადგომა დაადასტურა. ბიბისის ინფორმაციით, ამის შესახებ ქვეყნის პრემიერ-მინისტრის ოფისში განაცხადეს.

გამოცემის ცნობით, საპროტესტო აქციის მონაწილეებს პრეზიდენტის სასახლე და პრემიერ-მინისტრის რეზიდენცია კვლავ დაკეცილი აქვთ და უარს აცხადებენ მის დატოვებაზე, ვიდრე ლიდერები არ გადადგებიან.

შრი-ლანკის პარლამენტის თავმჯდომარემ შაბათს განაცხადა, რომ პრეზიდენტი თანამდებობას 13 ივლისიდან დატოვებს.

რაჯაპაქსას ადგილსამყოფელი ამჟამად უცნობია, მაგრამ სამხედრო წყაროებმა ბიბისის განუცხადეს, რომ ის სამხედრო-სახლავო ძალების ხომალდზე შრი-ლანკის ტერიტორიულ წყლებში იმყოფება.

შეგახსენებთ, ათასობით დემონსტრანტი, რომლებიც შრი-ლანკაში ეკონომიკური მდგომარეობის გაუარესებას აპროტესტებენ, პრეზიდენტისა და პრემიერ-მინისტრის რეზიდენციებში შაბათს შეიჭრა.

რუსულმა ძალებმა 11 ივლისს, დილით, მიკოლაივს ექვსი რაკეტა ესროლეს



რუსულმა ძალებმა 11 ივლისს, დილით, მიკოლაივს ექვსი რაკეტა ესროლეს. წინასწარი ინფორმაციით, თავდასხმის შედეგად ერთი ადამიანი დაშავდა. უკრაინული მედიის ცნობით, ამის შესახებ მიკოლაივის რეგიონული სამხედრო ადმინისტრაციის ხელმძღვანელი ვიტალი კიმი იუწყება.

11 ივლისს, დილით, მიკოლაივში აფეთქებების ხმები გაისმა. ინფორმაცია ზუსტდება. ახლა შეეიტყვეთ, რომ 6 რაკეტა ისროლეს. მსხვერპლი არ არის (დაშავებულია ერთი ადამიანი), – განაცხადა კიმი.

ამასთან, მისივე ინფორმაციით, რუსული ძალების მიერ 10 ივლისს განხორციელებული დაბომბვის შემდეგ ბერეზნე-გუვაცკეს დასახლებასა და სოფელ ლიმანში მინდვრებში ნათესები იწვის.

პორტუგალიაში ტყის ხანძრის შედეგად 29 ადამიანი დაშავდა



პორტუგალიაში ტყის ხანძრის შედეგად 29 ადამიანი დაშავდა. ინფორმაციას გარდაიანი ავრცელებს.

გამოცემის ცნობით, ქვეყნის ხელისუფლებაში აცხადებენ, რომ დაშავებულებს შორის 12 მესამე და 17 მოქალაქეა. ხანძარს ათობით თვითმფრინავი და 3.000-ზე მეტი მესამე ებრძვის.

კვირას ევროკავშირმა გაააქტიურა ხანძარსა და ადამიანთა მდგომარეობის დასადგინების პროგრამა, რომელიც ნევრ ქვეყნებს პორტუგალიის დასახმარებლად რუსურების გამოყენების საშუალებას აძლევს.

ტყის ხანძრის მიზეზი ძლიერი სიცხეა. სინოპტიკოსების პროგნოზით, უახლოეს დღეებში შაერის ტემპერატურა კიდევ უფრო გაიზრდება და 43 გრადუს ცელსიუსს მიაღწევს.

საფრანგეთი რუსული გაზის სრული შეწყვეტისთვის ემზადება



საფრანგეთის მთავრობა რუსული გაზის მიწოდების სრული შეწყვეტისთვის ემზადება.

ამის შესახებ საფრანგეთის ფინანსთა მინისტრმა ბრუნო ლე მაირმა განაცხადა.

– ვფიქრობ, რომ რუსული გაზის მიწოდების სრული შეწყვეტა რეალურია... და ჩვენ უნდა მოვემზადოთ ამ სცენარისთვის, – განაცხადა მან და დასძინა, რომ „ამ სცენარის იგნორირება სრულიად უპასუხისმგებლო იქნება“.

ამასთან, მისი თქმით, პირველი ნაბიჯი ოჯახებისა და ბიზნესებისთვის მისი მოხმარების შემცირებაა, შემდეგ კი – შესაბამისი ინფრასტრუქტურის მშენებლობა თხევადი ბუნებრივი აირის გადაზიდვისთვის.

როგორ შედის წერს, საფრანგეთში მიწოდების დაახლოებით 17% რუსეთიდან მოდის და საფრანგეთი ნაკლებად არის დამოკიდებული რუსულ გაზზე, ვიდრე ზოგიერთი მისი მეზობელი.

კალეიდოსკოპი

მაიშადა ნიკა თევზაძე

პოლიციელებისგან გაქცევის მცდელობა დამნაშავე უშარვლოდ დატოვა

ამერიკის ფლორიდის შტატის ბრენფორდის მუნიციპალიტეტში ნახევრადშიშველმა დამნაშავემ შარვალი იმ დროს დაკარგა, როდესაც პოლიციისგან მიაღწევს ცდილობდა.

პოლიციელები კერძო სახლში მას შემდეგ მივიდნენ, როდესაც მიიღეს შეტყობინება იმის თაობაზე, რომ მამაკაცი წასვლაზე უარს ამბობდა. სანამ პოლიციელები ადგილზე მივიდოდნენ, მათ შეიტყვეს, რომ ექვსმეტრიანი 50 წლის ჯგ. ლემბი ძებნაში იმყოფებოდა 2021 წელს სასამართლოში გამოუცხადებლობის გამო. იქ უნდა განხილულიყო მისი საქმე ავტომობილის მართვის მოწმობის გარეშე მართვასთან დაკავშირებით.

ადგილზე მისულმა პოლიციელებმა დაინახეს, რომ ლემბი სახლის უკანა ეზოდან მოკლე შარვლის აპარა გარბოდა მდინარის მიმართულებით. სამართალდამცვეები მამაკაცს გამოეციდნენ, მაგრამ ის მდინარეში გადახტა, ნავისადგომთან მიცურდა და შეეცადა, მის ქვეშ დამალულიყო.

როდესაც პოლიციელებმა ჩაბარება მოსთხოვეს, ის მათ დაეთანხმა, მაგრამ, როგორც კი გამოძვრა, მაშინვე სანაღმდეგო მიმართულებით გაემართა.

– ჯესიმ პოლიციელებს უთხრა, რომ ნებდებოდა, მაგრამ, ჩვენ უკვე ვიცოდით, რომ მისი ნდობა არ შეიძლებოდა, – განაცხადეს შერიფის ოფისში.

გაქცევის დროს დამნაშავემ მოკლე შარვალი დაკარგა, თუმცა მაინც მოახერხა მეორე ნაემისადგომამდე მიღწევა და ისევ მის ქვეშ დაიმალა. ლემბი პოლიციელებს დამალობანას ორი საათი ეთამაშებოდა.

ბოლოს და ბოლოს, ის შეეცადა, მდინარის მეორე ნაპირზე გაეღწია და იქ დამალულიყო, მაგრამ ნაემისადგომის მფლობელის დახმარებით პოლიციელებმა მაინც დაიჭირეს. ლემბი ციხეში გადაიყვანეს. მას სასამართლოში გამოუცხადებლობისა და დაკავების დროს პოლიციელებისთვის არაძალადობრივი წინააღმდეგობის განხორციელების ბრალდება წაუყენეს.



მაიშადა კახა ხატიაშვილი

ჯოკოვიჩის 21. ჯაბარი ისტორიაში პირი შევიდა

ლონდონში დასრულდა პრესტიჟული საჩოგბურთო ტურნირი – უიმბლდონი. ჩემპიონები ბრიტანული კორტისთვის კარგად ნაცნობი სერბი ნოვაკ ჯოკოვიჩი და ყაზახი ელენა რიბაკინა გახდნენ.

ჯოკოვიჩმა კარიერის 21-ე დიდი სლემი მოიგო. სერბმა ფინალში ავსტრალიის სახელით მოასპარეზე ნიკ კირიოსი 4:6, 6:3, 6:4, 7:6 დაამარცხა და უიმბლდონის ტრიუმფატორი ზედიზედ მეოთხედ გახდა. სულ კი ნოვემ ტურნირი მეშვიდედ მოიგო.

სერბს დიდი სლემის ტიტულებით ახლა მხოლოდ რაფაელ ნადალი უსრებს. ესპანელმა მატადორმა გრანდ სლემის მოგება 22-ჯერ მოახერხა, უიმბლდონის მიმდინარე გათამაშებას კი ტრავმის გამო ნახევარფინალში გამოეთიშა.

ქალთა ერთეულთა თანრიგის გამარჯვებული ნარმოშობით რუსი და ყაზახეთის სახელით მოასპარეზე ელენა რიბაკინა გახდა.

რიბაკინა ფინალში ონს ჯაბერს შეხვდა. ფავორიტად ტუნისელი იგებდა კიდევ, მაგრამ რიბაკინამ შესანიშნავად ჩაატარა მომდევნო 2 სეტი და მატჩი შემოატრიალა – 3:6, 6:2, 6:2 დაამარცხა.

აღსანიშნავია, რომ ჯაბერმა ისტორიაში შესვლის შანსი დაკარგა. ტუნისელს შეეძლო, გამბდარიყო პირველი ჩოგბურთელი აფრიკის კონტინენტიდან, რომელიც დიდი სლემის ტურნირს მოიგებდა.



მაიშადა კახა ხატიაშვილი

დი მარია და პოგბა იუვენტუსში ითამაშებენ

ტურინის იუვენტუსმა ოფიციალურად გამოაცხადა, რომ არგენტინელი ნახევარმცველი ანხელი დი მარია შავ-თეთრებში ითამაშებს.

34 წლის ფეხბურთელი იტალიურ კლუბში თავისუფალი აგენტის სტატუსით გადავიდა. არგენტინელს პარი სენ-ჟერმენთან კონტრაქტი ამოწურა და მის გახანგრძლივებაზე შეთანხმება არ შედგა.


გარკების დეტალები არ სახელდება, მაგრამ, გავრცელებული ინფორმაციით, დი მარია ტურინულ კლუბთან ერთწლიან კონტრაქტს გააფორმებს, ხოლო ხელფასი 6 მილიონი ევრო ექნება.

არგენტინელი 22-ე ნომრით ითამაშებს. უფრო ხმაურიანი გამოდგა 29 წლის პოლ პოგბას იუვენტუსში გადასვლა. „ბებერი ქალბატონის“ ვებგვერდზე გავრცელებული განცხადებით, ტურინელებმა ფრანგი ნახევარმცველის გაფორმება დაადასტურეს:

– პოლი ტურინში დაბრუნდა. იგი წავიდა, როგორც ბიჭი და დაბრუნდა, როგორც კაცი და ჩემპიონი, თუმცა ერთი რამ არ შეცვლილა: მისი სურვილი, რომ ჩვენთან ერთად დაუფინსარი ფურცლები დაწეროს.

გავრცელებული ინფორმაციით, პოგბა და იუვენტუსი 2026 წლის ივნისამდე ითანამშრომლებენ, ხოლო ყოველწლიური ანაზღაურება 8 მილიონი ევრო იქნება, რომელსაც ბონუსების სახით გარკვეული თანხა დაემატება. აღსანიშნავია, რომ პოგბას აგენტებმა საკომისიოს სახით 2.5 მილიონი ევრო მიიღეს.

შეგახსენებთ, რომ 29 წლის ნახევარმცველი მანჩესტერიდან ტურინულ გრანდში 2012 წელს უფასოდ გადავიდა, ხოლო 2016 წელს მასწინდელ სარეკორდო ფასად – 105 მილიონი ევროდ ისევ მანჩესტერმა იყიდა. თუმცა 5 სეზონის შემდეგ პოგბა „ნითელი ეშმაკებიდან“ ისევ „ბებერი ქალბატონში“ მიდის და ისევ უფასოდ.



მაიშადა კახა ხატიაშვილი

ტენ ჰააგს ენერჯია უნდა

მანჩესტერ იუნაიტედის მთავარი მწვრთნელი ერიკ ტენ ჰააგი კლუბის ხელმძღვანელობას ამსტერდამის აიაქსის მცველ ლისანდრო მარტინესის შექენას სთხოვს.

ნიდერლანდელს სურს, მარტინესის ტრანსფერი რაც შეიძლება მალე დასრულდეს, რაც საშუალებას მისცემს მოთამაშეს, თანდათან მოერგოს ახალ გუნდს.

ტენ ჰააგს ასევე სურს, კატალონიური ბარსელონიდან კიდევ ერთი თანამემამულე, ფრენკი დე იონგი გადაიბიროს.

ერიკ ტენ ჰააგი: – რა თქმა უნდა, მინდა, გუნდს ენერჯია მივცე. ჩვენ 2 კვირა გვაქვს, რომ ახლოს ვიყოთ და ერთად ვიმუშაოთ. უკეთ უნდა გავიცნოთ ერთმანეთი. გვინდა ვაჩვენოთ აქტიური ფეხბურთი – ბურთით და მის გარეშე. ჩვენი მიზანია, ვეცადოთ ამის მიღწევას. შტაბი უსსნის ფეხბურთელებს, რომ ყველა სიტუაციაში საჭიროა პრაქტიკულად მოქმედება.

მამაცი გუნდი გვყავს. გვსურს გვექონდეს ბურთი, შევთავაზოთ ერთმანეთს სხვადასხვა ვარიანტი. იგივე ეხება ბურთის გარეშე მუშაობას – ჩვენ გვინდა ვაჩვენოთ კარგი პრესინგი.



მაიშადა კახა ხატიაშვილი

კალეიდოსკოპი

მეგობრის საჩუქარმა ქალი ლატარიის გამარჯვებულად აქცია



ამერიკის მერილენდის შტატის ქალაქ აბერდინის მცხოვრებმა ქალმა მეგობრისგან მცირე საჩუქარი მიიღო, რომლის წყალობითაც მან ლატარიის გათამაშებაში ჯეკპოტი მოხსნა.

მეგობარმა 38 წლის ქალს კომენტარული ლატარიის ბილეთების შეკვრა აჩუქა. აქედან ერთ-ერთი მომგებიანი აღმოჩნდა. ქალს თავიდან ეგონა, რომ მისმა ბილეთმა 100 დოლარი მოიგო.

ქალმა ბილეთი შესამოწმებლად ადგილობრივ მაღაზიაში მიიტანა. გამყიდველმა ის შემოწმდა და ქალს უთხრა, რომ შეცდა და მისმა ბილეთმა სინამდვილეში იმაზე სამასჯერ მეტი მოიგო, ვიდრე ფიქრობდა, რაც იმას ნიშნავდა, რომ მისმა მოგებას არა 100, არამედ 30 ათასი დოლარი შეადგინა.

– თქვენ რა, მესმერებთ? – წამოიძახა ქალმა, რომელიც მოგებული თანხით საკუთარი სახლის კეთილმოწყობას აპირებს.

სოფლის მცხოვრებლებმა დაიჭირეს ნიანგი, რომელმაც მათი თანასოფლელი შეჭამა



ინდონეზიაში ერთ-ერთი სოფლის მცხოვრებლებმა მიაგნეს და დაიჭირეს ნიანგი, რომელიც მათ თვალწინ თავს დაესხა მათ თანასოფლელს და გადაყლაპა.

დაჭერილი რეპტილიის ამსახველი კადრები, რომელიც ქვეყნის პროვინცია დასავლეთ პაპუაშია გადაღებული, გასული თვის ბოლოსაა გადაღებული. ვიდრე მოხდა ის მომენტი, როდესაც ტელუკ-ბინტუნის ოლქის მცხოვრებლებს სამეტრნახევარი სიგრძის გაკოჭილი რეპტილია ნავით გადაჰყავთ.

ნიანგის თავდასხმა ადამიანზე 28 ივნისს მოხდა. პროვინციის მშენებელი იენიან ბერნარდი ნავში იჯდა, როდესაც მის გვერდით ნიანგი გამოჩნდა, მტაცებელმა მას პირი ხელში სტაცა და წყლის სიღრმეში ჩაითრია. თვითმხილველების თქმით, მამაკაცმა ორი წუთის შემდეგ ამოვიწია, დახმარება ითხოვა და ისევ წყლის ქვეშ გაუჩინარდა.

დაღუპულის კოლეგებმა მომხდარის შესახებ ადგილობრივ ხელისუფლებას აცნობეს. მათ სამედიცინო ოპერაცია დაიწყეს, რომელშიც მამაკაცის თანასოფლელიც ჩაერთნენ. მეორე დღეს თანასოფლელმა მიაგნეს და დაიჭირეს ნიანგი, რომელსაც მუცელი ჰქონდა გამოპერილი.

რეპტილიის გაკვეთის შემდეგ მის კუჭში ადამიანის სხეულის გადამუშავებულ ნაწილებს მიაგნეს.

– ჩვენ ვადასტურებთ, რომ ნიანგის მუცელში აღმოჩნდა იმ ადამიანის სხეულის ნაწილები, რომელსაც ვეძებდით, მსხვერპლის ცხედარი ძალიანაა დაზიანებული, – განაცხადა ადგილობრივი პოლიციის უფროსმა ლუკას რესიხოდ ლიმბონგმა.

მაიშადა კახა ხატიაშვილი



უსან დაბალე ბარსელონასთან ახალ კონტრაქტს გააფორმებს

ბარსელონის ფორვარდი უსან დემბელე გუნდთან ახალ კონტრაქტს გააფორმებს და, გავრცელებული ინფორმაციის თანახმად, ეს საკმაოდ მაღელ მოხდება. დემბელე ბარსელონაში იმყოფება მისმა აგენტმა განაცხადა, რომ უსმანი მზად არის, ბარსელონას პირობებზე მოვლაპარაკოს. დემბელე, სავარაუდოდ, ბარსელონასთან 3-წლიან კონტრაქტს გააფორმებს, რომლის მიხედვითაც, მისი ანაზღაურება არ შემცირდება.



დიბალა, შესაძლოა, ნაპოლის ფეხბურთელი გახდეს

პაულო დიბალამ, შესაძლოა, კარიერა ნაპოლიში გააგრძელოს და სეზონი კვარაცხელიას თანაგუნდელი გახდება. ამის შესახებ ინფორმაცია იტალიურ მედიაში ვრცელდება, სადაც იწერება, რომ დიბალას იუვენტუსის დეტოვებდა სურს, რადგან იქ ის თავს ბედნიერად არ გრძობს. დიბალას ტურინიდან ნაპოლის შესახებ ინფორმაცია ადრეც ვრცელდებოდა, მაგრამ მაშინ ეს მხოლოდ ჭორი აღმოჩნდა.



ანჩელოტი: „ჩაქალს ბევრი ახალი ფეხბურთელი არ სჭირდება“

მადრიდის რეალის მთავარმა მწვრთნელმა კარლო ანჩელოტმა თავის გუნდზე ისაუბრა და თქვა, რომ რეალს გაძლიერება ნაკლებად სჭირდება, რადგან მათ ბევრი ძლიერი ფეხბურთელი ჰყავთ: – შესაძლოა, ზაფხულში ტრანსფერები განვახორციელოთ, მაგრამ ვერ ვეროებით ამის აუცილებლობას ვერ ვხედავ. ჩვენ საკმარისად გვაყავს მოთამაშეები, რომლებსაც შეგვიძლია ვენდოთ. შთაშვად ბექა გოგინაშვილი



იუმოხი

ორი ნაცნობი შეხვდა ერთმანეთს. ერთი მეორეს ეკითხება: – გამარჯობა გოგი! ასე სევდიანად რატომ გამოიყურები? – ბიჭი შემეძინა. – მერე მაგას რა ჯობია, უნდა გიხაროდეს! – კი კარგია, მაგრამ ცოლ-მაც გაგიგო...
ცოლი ქმარს ეუბნება: – მორჩა, შენგან მივიდვიარ! – ნაგავი გააყოლე.

ნანა ფარეაშვილი დააჯილდოვან

რუსთაველის ეროვნული თეატრის მსახიობი ნანა ფარეაშვილი დააჯილდოვეს. მსახიობს ჯილდო „ანიდან პოემდე“ გადაეცა. ფონდი „დიასპორების ალიანსი საქართველოსთვის“ ჯილდოს სხვადასხვა სფეროში მოღვაწე განსაკუთრებული ღვაწლის მქონე პირებს დიასპორულ საქმიანობაში შეტანილი განსაკუთრებული წვლილისა და საქართველოს პოზიტიური კუთხით წარმოჩენისთვის გადასცემს.

ლიზა ყენია მია ჯაბუას სიმღერა ახლებურად ჩანს

მომღერალმა ლიზა ყენიამ დედის, მია ჯაბუას სიმღერის ახლებური ვერსია ჩაწერა, მასზე ვიდეორგოლი საკუთარი მობილურით გადაიღო, ინტერნეტში გაავრცელა და ბევრი მოწონება და შექებაც დაიმსახურა. „შენ და ზღვა“ – ასე ჰქვია ცნობილ სიმღერას, რომელიც მია ჯაბუას ეკა კახიანმა დაუნერა. ლიზა ყენიას სიმღერის ახლებური ვერსიაზე ალექო ბერძენიშვილმა იმუშავა: – ჩემგან საჩუქრად დიდი სიყვარულით დედას – მია ჯაბუას. ეს კლიპი გადავიღე ჩემი მობილურით, დავამონტაჟე ჩემით და მინდა იცოდეთ, რომ თუ რამე გულით გინდათ გააკეთოთ, არაფერმა შეგაჩეროთ. მინდოდა, მია ჯაბუასთვის გამეკეთებინა ეს საჩუქარი და, ვფიქრობ, გამოვიდა მისი გაბედნიერება. მადლობა, რომ არსებობ და ჩემი დედიკო ხარ. დიდი მადლობა ამ საოცარი სიმღერის შექმნისთვის, ეკა კახიანო, მიყვარხარ! და უღრმესი მადლობა ამ არაჩვეულებრივი ვერსიისთვის ძალიან ნიჭიერ ადამიანს, ალექო ბერძენიშვილს. მიხარია, რომ ჩემი მეგობარია.



მამუკა პავლიაშვილი: „ყველას ახსოვს – თეატრი არტისტებისა!“

აცხადებს ცხინვალის თეატრის მსახიობი მამუკა პავლიაშვილი და კინომსახიობთა თეატრიდან აკაკი ხიდაშელის ნახვლას ეხმაურება: – თეატრიდან არტისტი წავიდა. აიძულეს, წასულიყო, თანაც ძალიან კარგი არტისტი, თითზე ჩამოსთვლელი რომ არიან, ისეთი! წლებს წინაც გაუშვეს ერის ლეგენდარული მსახიობი თეატრიდან და ამ საქმის ერთ-ერთმა მონაწილემ, მამუკის მიხედვით, მიუხედავად საერთო სახალხო სიყვარულისა, ყველას გულსწყრომა გამოიწვია.



აკაკი ხიდაშელი კინოსსახიობთა თეატრიდან წავიდა

მსახიობმა აკაკი ხიდაშელმა განცხადება დაწერა და კინოსსახიობთა თეატრიდან წავიდა. როგორც განცხადებაშია აღნიშნული, ამის მიზეზი მსახიობების დისკრიმინაციაა. 12 ივლისს კინოსსახიობთა თეატრში რეჟისორ ზურა გენაძის მიერ დადგმული სპექტაკლი „მეფე ლირი“ უნდა გათამაშებულიყო, რომელშიც აკაკი ხიდაშელიც მონაწილეობს. თეატრმა ოფიციალურ გვერდზე გააკეთა განცხადება, რომ სპექტაკლი მსახიობის ავადმყოფობის გამო მოიხსნა და ბოდიშიც მოიხსნა. რეალურად კი სპექტაკლი თეატრში არსებული მდგომარეობის გამო მოიხსნა. ზურა გენაძე, „მეფე ლირის“ რეჟისორი: – რეალური მიზეზი, რატომაც მოიხსნა სპექტაკლი „მეფე ლირი“, არის ახალი სამხატვრო ხელმძღვანელის არასამართლიანი, უკანონო და დისკრიმინაციული დაპირისპირება მსახიობების მიმართ. იხილეთ აკაკი ხიდაშელის განცხადება და ყველაფერს მიხედვით. ჩემი სოლიდარობა ქართული თეატრის გამორჩეულ, უმაგრეს მსახიობს, პროფესიონალს, ღირსეულ პიროვნებას – ბატონ აკაკი ხიდაშელს! პ.ს. უხერხულია, თუ მანიშვილის თეატრი რომ მბლოკავს და კომენტარს ვერ ვწერ თეატრის გვერდზე. აკაკი ხიდაშელის განცხადებაში კი წერია: – თეატრში მიმდინარე ბოლო მოვლენებმა გააჩინა ბევრი შეკითხვა, რომლებზეც პასუხები თქვენგან ვერ მივიღე. როგორც გახსოვთ, თქვენი წარდგინების დღეს კულტურის მინისტრი დასისწერებდას.



აკაკი ხიდაშელი კინოსსახიობთა თეატრიდან წავიდა

მსახიობმა აკაკი ხიდაშელმა განცხადება დაწერა და კინოსსახიობთა თეატრიდან წავიდა. როგორც განცხადებაშია აღნიშნული, ამის მიზეზი მსახიობების დისკრიმინაციაა. 12 ივლისს კინოსსახიობთა თეატრში რეჟისორ ზურა გენაძის მიერ დადგმული სპექტაკლი „მეფე ლირი“ უნდა გათამაშებულიყო, რომელშიც აკაკი ხიდაშელიც მონაწილეობს. თეატრმა ოფიციალურ გვერდზე გააკეთა განცხადება, რომ სპექტაკლი მსახიობის ავადმყოფობის გამო მოიხსნა და ბოდიშიც მოიხსნა. რეალურად კი სპექტაკლი თეატრში არსებული მდგომარეობის გამო მოიხსნა. ზურა გენაძე, „მეფე ლირის“ რეჟისორი: – რეალური მიზეზი, რატომაც მოიხსნა სპექტაკლი „მეფე ლირი“, არის ახალი სამხატვრო ხელმძღვანელის არასამართლიანი, უკანონო და დისკრიმინაციული დაპირისპირება მსახიობების მიმართ. იხილეთ აკაკი ხიდაშელის განცხადება და ყველაფერს მიხედვით. ჩემი სოლიდარობა ქართული თეატრის გამორჩეულ, უმაგრეს მსახიობს, პროფესიონალს, ღირსეულ პიროვნებას – ბატონ აკაკი ხიდაშელს! პ.ს. უხერხულია, თუ მანიშვილის თეატრი რომ მბლოკავს და კომენტარს ვერ ვწერ თეატრის გვერდზე. აკაკი ხიდაშელის განცხადებაში კი წერია: – თეატრში მიმდინარე ბოლო მოვლენებმა გააჩინა ბევრი შეკითხვა, რომლებზეც პასუხები თქვენგან ვერ მივიღე. როგორც გახსოვთ, თქვენი წარდგინების დღეს კულტურის მინისტრი დასისწერებდას.

წერებს ხელფასების გაზრდას შეპირდა. მან თავისი დაპირება შეასრულა და მართლაც სამინისტრომ თეატრის საგრძნობლად გაუზარდა ბიუჯეტი. შემდეგ, აპრილის ბოლოს, როცა თქვენ ახალი შრომითი ხელშეკრულებების გაფორმება დაიწყეთ მსახიობებთან, ცტყობა, მიიჩნიეთ, რომ უკვე მალაღობის თანამდებობის პირს აშკარად დისკრიმინაციის უფლებაც გქონდათ. მიუხედავად იმისა, რომ მხოლოდ ამდენიმე წევრს გაუზარდეთ საგრძნობლად ხელფასი, მიმანჩია, რომ ისინი დღეს მეტსაც იმსახურებენ. დასის დანარჩენ წევრებს ან დაუტოვეთ მანამდე არსებული ხელფასი, ან შეუშინეთ, ზოგს კი, ჩვენდა გასაკვირად, საარსებო მინიმუმამდე დაუყვანეთ. თქვენ ასე „მოახმარეთ“ თუ მანიშვილის თეატრს სამინისტროდან დამატებული თანხა. ჩემთან ინფორმაციული შეხვედრის დროს, როდესაც მაცნობდით ახალი ხელშეკრულების პირობებს, თქვენ ყველაზე მიზნობრივად ხელფასის, 240 ლარის დანიშნვის მიზნად დამისახველეთ შემდეგი: რომ „საჭიროება ახლა ასეთია თეატრისთვის“, შემდეგ დღეებში კი გაიჩვენა, რომ სიტყვა „საჭიროება“ დისკრიმინირებულ ყველა მსახიობთან გამოიყენეთ, თქვენ ვერ ახსენით, თანხობრივად როგორ განსაზღვრავთ საჭიროებას. ესა თუ ის მსახიობი ან საჭიროა თეატრში, ან არ არის საჭირო. თუ საჭიროა, ხელფასიც ანაზღაურებთ, ხოლო რადგან კრიტერიუმების გარეშე აკლებთ, ეს უკვე დისკრიმინაციაა. 2 ასეთი სამარცხვინო ხელფასის დანიშნვის მიზნად მიიხარით, რომ მე კიდევ სხვა ორ თეატრშიც გეშუაობ, თუმცა პირადად თქვენ, ესოდენ საპასუხისმგებლო თანამდებობაზე დანიშნვის მიუხედავად, კიდევ სხვა, ორ სამსახურშიც იღებთ ხელფასს და ამის ნინაღმდეგი არ ხართ. მე გენდეთ, რადგან ჩავთვალე, რომ თეატრში ხელფასის გაყვამის ახალი წესი განსაზღვრეთ, რის გამოც თქვენ მიერ შემოთავაზებულ ხელ-

შეკრულებას იქვე მოვანერე ხელი. როგორც შემდეგ აღმოჩნდა, თქვენ იცრუეთ, რადგან იმ მსახიობებს, რომლებიც ანალოგიურად სხვადასხვა თეატრში მუშაობენ, პირიქით, გაუზარდეთ ანაზღაურება, რაც ჩემთვის მხოლოდ სასინარულია. მსახიობების მიერ მოთხოვნილი დასის ბოლო კრების შემდეგ ჩემთვის კიდევ უფრო გაუგებარი დარჩა აღნიშნული ცვლილებების მიზეზი და საფუძველი. გაუგებარია ისიც, თუ არა კრიტერიუმებით ხელმძღვანელეთ, როცა ესოდენ დისკრიმინაციული და მკვეთრი განსხვავების უფლება მიეცით თავს დასის იმ მსახიობთა მიმართ, რომელთაც შეურაცხყოფილად შეგვიმცირეთ ხელფასი. ხელფასების ასეთი სამარცხვინო დაკლება დაუშვით მაშინ, როცა კულტურის სამინისტრომ თეატრს სახელფასო ფონდში თანხა მოუმატა და არა პირიქით – თეატრის ბიუჯეტს 90.000 ლარზე მეტი დაემატა. ყოველივე ამის გამო დასში, მათ შორის იმ მსახიობებში, რომლებსაც მოუმატათ ხელფასი, ჩნდება საფუძვლიანი ეჭვი, რომ განხორციელებული დისკრიმინაცია იმ მდებარე განზრახვით ჩაიდინეთ, რათა რეპერტუარიდან გაგექროთ ყველაზე მოთხოვნილი სპექტაკლი, რადგან ფიქრობდით, რომ ამ სპექტაკლში მონაწილე მსახიობები პროფესიული შეურაცხყოფისა და ელემენტარული თავმოყვარეობის გამო დატოვებდნენ თეატრს და სპექტაკლის მოხსნა თქვენ აღარ დაგებრალდებოდათ. ყოველივე ზემოთქმულიდან გამომდინარე, ვფიქრობ, რომ თქვენთან, როგორც თუ მანიშვილის თეატრის სამხატვრო ხელმძღვანელობისთვის შეუფერებელ პირთან, ერთობლივად ხელოვნების ნანარმოების შექმნაზე ფიქრიც კი ჩემთვის შეუძლებელი იქნება, რის გამოც გადავწყვიტე, დავტოვო თეატრი. შთაშვად ეკა ირემაშვილი

ასტროლოგია 12 ივლისისათვის

წარჩი – თავი შეიკავებ საქმიანი მოლაპარაკებებისაგან. ფინანსებს გაუფრთხილდით. **ქარი** – სასიცოცხლო პოტენციალი უმაღლეს დონეზეა. პირად ცხოვრებაში სასიამოვნო უკვლილებებია მოსალოდნელი. **მუჟანი** – დაძაბული დღეა. იფრთხილეთ ყველგან. ერთდეთ კამათს. **ქარი** – ხელმძღვანელ პირებთან, საჯარო მოხელეებთან ურთიერთობისათვის შესაფერისი დღეა. ყოველგვარ წინააღმდეგობას დაძლეეთ. **წარი** – კეთილისმყოფელი დღეა. ფინანსურად ძლიერდებით და ყველაფერი იოლად გამოგიდით. **ქარი** – სხვების გაცდენის ქვეშ ნუ მოექცევით. საკუთარ პრინციპებს პატივი ეცით. მიხედეთ პირად ცხოვრებას. **სასარი** – მიძიმე დღეა, განსაკუთრებით მატერიალური კუთხით. ბედი გამოცდას გინცობთ. ნებისყოფა მოიკრიბეთ. **წარი** – ნებისმიერი კომერციული ოპერაცია სასიკეთოდ დასრულდება. გელით მატერიალური კეთილდღეობა. **მუჟანი** – მოსალოდნელია კარიერული წინსვლა. საქმე მხოლოდ საკუთარი კომპეტენციის გათვალისწინებით აკეთეთ. **მისი რაჟ** – სისულელეებზე არ იფიქროთ და, შექმნილი სიტუაციიდან გამომდინარე, სწორი დასკვნები გააკეთეთ. **მარანი** – სამომავლო გეგმებში კორექტივები შეგაქვთ. შესაძლოა, ახალი, საინტერესო სამსახურიც იმოვოთ. **მუჟანი** – კრიტიკული დღეა. სიფრთხილე გამოიჩინეთ პარტნიორთან ურთიერთობისას. გისუხეხებთ ბედნიეხ დღეს!

ჯიხვოხი

შეუღალა: 1. თევზაობა ღამით ჩირაღდნის გამოყენებით; 2. უფროსი მღვდელი ქართულ ეკლესიაში; 3. ქერის პური; 4. აჭარაში გავრცელებული თეთრყურძინი ვაზის უძველესი ქართული ჯიში; 5. საბჭოთა ბელადი; 6. დაკონსერვებული პროდუქტებით გამოწვეული მძიმე მონამვლა; 7. მსოფლიოში ერთ-ერთი უმსხვილესი სასტუმროების ქსელის მფლობელი ფირმა; 8. კათოლიკეთა რელიგიური საგალობელი; 9. ამერიკელთა მეტსახელი ლათინურ ამერიკაში; 10. ბელგიის ნაკრებისა და მადრიდის „რეალის“ ფეხბურთელი. **თარაზულა:** 4. ნიჟარაში ბინადარი უხერხემლო ცხოველი; 6. გამოსახულების გაბუნდოვანება ან დამახინჯება ოპტიკურ ხელსაწყოებში; 8. ინდური იგავ-აკების კრებული; 10. ქართული ფარმაკევტული ფირმა; 11. ტვირთის ასანევი კიდული მექანიზმი; 12. საათის მექანიზმი; 14. გამარტივებული ნახაზი; 17. ბრიტანული არაყი; 19. ბნელი, უმთავრო ღამე; 20. მეცნიერება მეღვინეობის შესახებ; 21. სამოქალაქო ავიაციის საერთაშორისო ორგანიზაცია; 22. ვაზის მავნებელი მწერი; 23. შეჯვარების შედეგად მიღებული ცხოველის ან მცენარის სახეობა. შეადგინა თ.გოგინაშვილი

